

Þjónusturáð

112. fundur þjónusturáðs haldinn í Ráðhúsi Árborgar – Norðursal 10.05.2019. kl. 08.10.

Mættir: María Kristjánsdóttir forstöðumaður skóla- og velferðarþjónustu Árnesþings og formaður þjónusturáðs, Guðlaug Jóna Hilmarsdóttir deildarstjóri fjölskyldusviðs Sv.f Árborg, Helga Lind Pálsdóttir félagsmálastjóri félags- skólaþjónustu Rangárvalla og Vestur-Skaftafellssýslu, Arna Ír Gunnarsdóttir, félagsráðgjafi kom inn á fundinn undir liðnum fundargerðir fagteymis. Guðlaug Jóna Hilmarsdóttir ritar fundargerð.

Dagskrá:

Fundargerðir fagteymis. Fundargerð nr. 107 samþykkt, fundargerð nr. 108 farið yfir drög að reglum um NPA. Lagt til að bíða með staðfestingu á reglunum þar til leiðbeinandi reglur liggja fyrir frá Sambandi Íslenskra Sveitarfélaga að öðru leyti er fundargerðin samþykkt. Fundargerð nr. 109 samþykkt, fundargerð nr. 110 settar inn athugasemdir við endurmat á starfsreglum fagteymis að öðru leyti er fundargerðin samþykkt.

Skýrsla vinnuhóps vegna lengdrar viðveru fyrir framhaldsskólanema lögð fram. Þjónusturáð þakkar vinnuhópnum fyrir vel unnin störf. Ráðið leggur til að Bergrisinn bs samþykki tillögur er varða vetrarfrístund þar sem lagt er til að starfsemin verði í Ungmennahúsinu Pakkhúsið á Selfossi og geri viðeigandi breytingar svo aðgengismál verði í lagi. Koma þarf fyrir lokaðri lyftu milli hæða. Varðandi sumarfrístund telur þjónusturáðið rétt að hún verði áfram á forræði hvers sveitarfélags en jafnframt verði áfram unnið að hugmyndum hvort landfræðilega sé hægt að skipuleggja sumarfrístundina sameiginlega þvert á sveitarfélög.

Erindi frá Gæða- og eftirlitsstofnun um ábendingar um framkvæmd laga. Gæða- og eftirlitsstofnun félagsþjónustu og barnaverndar (GEF) hafa borist nokkrar ábendingar vegna framkvæmdar sveitarfélaga á lögum um málefni fatlaðs fólks með langvarandi stuðningsþarfir. Ábendingarnar hafa beinst að því að á skorti að sveitarfélögin fari eftir ákvæðum laganna um málsmeðferð. Löggin kveða m.a. á um að sveitarfélög starfræki teymi fagfólks sem metur heildstætt þörf fatlaðs einstaklings fyrir þjónustu og hvernig veita megi þjónustu í samræmi við óskir hans. Einnig lúta ábendingarnar að frumkvæðis- og rannsóknarskyldu sveitarfélaga varðandi leiðbeiningar til umsækjenda, úrræðum á biðtíma og annarri þjónustu sem kann að vera í boði, sé ekki unnt að hefja þjónustu innan þriggja mánaða frá samþykkt umsóknar.

Samkvæmt 4. gr. laga 38/2018 hefur ráðherra eftirlit með framkvæmd laganna, þar á meðal að þjónusta, starfsemi og rekstur sveitarfélaga sé í samræmi við markmið þeirra, reglugerðir og reglur settar samkvæmt þeim. Gæða- og eftirlitsstofnun félagsþjónustu og barnaverndar (GEF) hefur verið falið eftirlit með þeim verkefnum og þjónustu á sviði félagsþjónustu sem heyra undir ráðherra. Með vísan til ofangreinds er þess hér með farið á leit við sveitarfélagið að það upplýsi um reglur sem gilda við móttöku og skráningu umsókna, mat á stuðningsþörf og úrræði á biðtíma. Guðlaugu Jónu Hilmarsdóttur falið að svara erindinu.

Nýr formaður. María Kristjánsdóttir, forstöðumaður skóla- og velferðarþjónustu Árnesþings hefur sagt störfum sínum lausum. Þjónusturáð þakkar Maríu gott samstarf og óskar henni velfarnaðar í nýju starfi. Guðlaug Jóna Hilmarsdóttir, deildarstjóri stoð- og stuðningsþjónustu fjölskyldusviðs Árborgar kosinn nýr formaður.

Tillaga vinnuhóps

Um frístundaþjónustu fyrir fötluð ungmenni sem stunda nám við Fjölbrautaskóla Suðurlands og falla undir lög nr. 38/2018 um þjónustu við fatlað fólk með langvarandi stuðningsþarfir og eiga lögheimili á þjónustusvæði Bergrisans bs.

Niðurstöður vinnuhóps sem skipaður var af Þjónusturáði vegna málefna fatlaðra á Suðurlandi.

Starfsbraut FSu þjónar nemendum sem búsettir eru víðs vegar á Suðurlandi og falla þeir ekki allir undir lög nr 38/2018. Á vorönn 2019 eru 42 nemendur á starfsbraut. Ekki er víst að allir þeir nemendur sem uppfylla skilyrði til að nýta sér frístundaþjónustuna hafi þörf á að nýta sér hana.

Lagt er til að annars vegar verði boðið upp á vetrarfrístund og hins vegar sumarfrístund. Mælt er til þess að frístundaþjónustan taki til starfa í haust en áfram verði haldið að þróa þjónustuna með þeim sem stýra munu frístundaþjónustunni.

Meginmarkmið frístundaþjónustunnar er að stuðla að virkni og félagslegri þátttöku ungmenna í frístundum. Þjónusta skal að jafnaði taka mið af metinni stuðningsþörf og vera hluti af einstaklingsbundinni þjónustuáætlun viðkomandi ungmennis.

Vetrarfrístund


Sérstaða starfsbrautar er að stundatafla er ekki heildstæð og nemendur eru því ekki með samræmdar stundatöflur. Lagt er til í byrjun að frístund standi til boða þá virka daga sem skóli er frá kl. 13:00 -16:00 en fjölbrautaskólinn haldi áfram að sjá um viðveru í eyðum á tímabilinu 8:00- 13:00 fyrir þá nemendur sem þess þurfa. Boðið verði upp á frístundaþjónustu frá kl. 8-16 í skólafríum, s.s. jóla – og páskafríum. Í lögum er kveðið á um að veita skuli frístundaþjónustu samhliða almennum frístundatilboðum, eins og mögulegt er og því lagt til að starfsemin verði í sama húsnæði og ungmennahúsið Pakkhúsið á Selfossi. Ljóst er að aðgengismál eru ekki í fullkomnu lagi og mikilvægt er að laga það svo allir hafi fullan aðgang að aðstöðunni.

Sumarfrístund

Skoða þarf hvort landfræðilegur möguleiki sé á að sumarfrístund sé í boði á vegum Bergrisans bs. Sumarið er oft fötluðum ungmennum og fjölskyldum þeirra erfiður tími og því mikilvægt að hægt sé að bjóða upp á heildstæða þjónustu yfir sumarið. Mikilvægt er að samþætta vinnu- virkni- og frístundatilboð sem boðið verði upp á frá því skóla lýkur í byrjun maí og fram í ágúst byrjun frá kl. 8-16 alla virka daga.

Selfoss 9. apríl 2019

*Eiríkur Sigmarsson, forstöðuproskafjálfi frístundaklúbbsins Kotið
Brynhildur Jónsdóttir, forstöðuproskafjálfi skammtímadvöl Álfarima 2
Halla Steinunn Hinriksdóttir, ráðgjafaproskafjálfi fjölskyldusviðs Árborgar
Jóhanna Guðjónsdóttir, sviðsstjóri sérkennslu Fjölbrautaskóla Suðurlands*



Selfossi 12. mars 2019

Sveitarfélagið Árborg
bt. Guðlaug Jóna Hilmarsdóttir félagsmálastjóri
Austurvegi 2
800 Selfoss

Efni: Svar við bréfi dags. 25. janúar 2019 varðandi skipan í samráðshóp

Stjórn Þroskahjálpar á Suðurlandi skipar hér með Mörtu E. Hjaltadóttur á Kópavatni í Hreppum sem fulltrúa í nefndan samráðshóp og Guðmund Ármann Pétursson í Smiðshúsum á Eyrarbakka sem varamann.

Virðingafyllst

Bjarni Harðarson

Harpa Dís Harðardóttir

Marta Ester Hjaltadóttir

Guðmundur Ármann Pétursson

